


四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編



齊魯書社

四庫全書存目叢書

子部
第八六冊

魯新登字 07 號

責任編輯：孫言誠 賀 偉

ISBN 7-5333-0478-0



9 787533 304782 >

21370/04

四庫全書存目叢書·子部八六

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 48.25 印張

1995 年 9 月第 1 版 1995 年 9 月第 1 次印刷

印數 1-100

ISBN 7-5333-0478-0

Z·27 子部定價：78300 圓

子部第八六冊目次

子部·雜家類

來瞿唐先生日錄十三卷(二)

〔明〕來知德撰
四川省圖書館藏清道光十一年刻本

.....一

近溪羅先生一貫編十一卷

〔明〕羅汝芳撰 熊賓輯 錢啓忠重訂
中國科學院圖書館藏明長松館刻本

.....一五八

近溪子明道錄八卷

〔明〕羅汝芳撰
私藏明萬曆十三年詹事講刻本

.....三九六

古言二卷

〔明〕鄭晚撰
清華大學圖書館藏明嘉靖四十四年項篤壽刻本

.....四九六

渾然子一卷

〔明〕張翀撰
山西省祁縣圖書館藏明萬曆繡水沈氏刻寶顏堂祕笈本

.....五五四

文雅社約二卷

〔明〕沈鯉撰
浙江圖書館藏明萬曆三十年刻本

.....五六六

脉望八卷

〔明〕趙台鼎撰
復旦大學圖書館藏明萬曆繡水沈氏刻寶顏堂祕笈本

.....六三六

庭幃雜錄二卷

〔明〕錢曉輯
北京圖書館分館藏舊鈔本

七五三

來瞿唐先生日錄十三卷

(二)

〔明〕來知德撰

四川省圖書館藏清道光十一年刻本

附《四庫全書總目·瞿塘日錄

十二卷》提要

重刻來瞿唐先生日錄 釜山稿

釜山在縣西二十里沙河其山如釜故以釜名之
先生有一祖相傳來曾作宋龍圖閣學士不知何
時移居湖廣麻城遂世爲麻城人元兵亂入蜀避
兵乃居梁山之康村正統後移居釜山釜山乃先
生所生之地故以釜山名稿云

後學王廷章識

瞿唐先生日錄 釜山稿目錄

釜山稿目錄

客問 雜述

清溪莊 道言

登小筆山 七言律

輓隆孔崖 七言律

用龜山此日不再得韻示周生子榮 道言

釜山雜詠 絕句七首道言

了心歌 道言

曾岐山自岑公遠訪予於釜山于其歸也贈別

以詩二首

寄飛練五言律

醉道言

盧行所見枉別之以詩七言律

盧行所還便寄王次字七言律

董願庵推府見枉金山書堂四首七言律

遍遍歌四章爲哀楊作吾賦歌

菊絕句三首

重過天生橋二首七言律

瞿唐先生日錄
金山稿目錄 二

寄雷劒東蒙自明府四首五言律

寄贈董麟山徵君四首五言律

許象洲元戎于梁山曾許仙茅久不見惠詩以

速之七言律

廖對峰以設館至梁山踰年而露化其子齋泣

至山堂照骨之貧余愧不能大助詩以哀之

寄贈朱最峰少府三首五言律

壽郭夢菊太府四言七言律

禽言四首道言

秋風辭三首辭

與太宰禪僧二首道言

番龍對歌

答贈董麟山徵君四首五言律

種竹絕句道言

送董願庵廼叔還澳七言律

荅王晴川七言律

馮溪子道言

雜興道言

瞿唐先生日錄
金山稿目錄 三

溪上春興十四首五言律

贈小溪七言律

杪秋有懷郭菊太府十二首五言律

寄傅志宇七言律

寄胡麗吾七言律

登彼篇道言

贈別唐漢田七言律

向雪亭見訪七言律

不不歌道言

雜興 道言

欲遊岱岳孔林先寄楊作吾 七言律

林明府以外艱還棟歸別之以詩 絕句四首

釜山堂成憶昔篇一百韻呈莊明府 五言排律

與朱雲石 長短句

蒼雲石天人篇之作 五言律

福利道人 道言

春風辭 二首辭

黃令長枉山堂謝之以詩 二首七言律

瞿唐先生自錄 釜山稿目錄

四

江邊送劉還溪 歌

壽黃石崗 長短句

招張仙歌 三首歌

看水篇 道言

寄劉洞衡 五言律

秋夕 五言律

寄楊印峰 七言律

康村 五言律

寄林子 二首五言律

白崖道中遙寄楊雙泉 七言律

笑吟 四首道言

答楊郡博 二首五言律

題贈東明禪師 二首七言律

寄朱懷陽兼問慎所 二首五律

寄石峰 七言律

雜言 道言

輓馮孔崖 七言律

答郭夢菊督學 選

瞿唐先生自錄 釜山稿目錄

五

送王我齋 七言律

龜雖壽 樂府

送古見吾 長短句

有容 七言律

憶昔歌送楊大理還滇兼酬見懷 歌

蒼谷歌 歌

釜山堂成 五言律

答胡惠庵憲副 三首七言律 梅花 道言

遊五岳還荔溪以詩見問用韻奉答 七言律

重刻來瞿唐先生日錄

客問

僕以先父病末疾母目疾侍養不仕友人致書多疑之作此代答雖文其辭然實有是問非客難賓戲之假設也

瞿唐來子於釜山書室客有過而問之者曰某聞子久矣聞子冠道德履仁義衣百家佩六藝知子已棲君子之林矣衆人慕之某竊爲子不取也吾聞鳥能鳴陽葵知傾日物且如此況于人乎是以哲士乘時

瞿唐先生百錄

釜山稿

達人賦世方今皇猷丕赫王表輝昭羣袞獻璋諸父園橋采蕙蒞而兼蓄乎蕭艾選干將而不遺乎鉛刀非愷悅而抱瑟豈濟渡而無舳舻可以存心于利物奚必于執璧而垂貂子廼懸車城市擊壤衡臍騰飛于鸞漢羌繼迹于鸚鵡洵拘鱗而戢翼必滯惠而屯膏欸雕龍而削草快茶薺于俾鮮吾將冀子兮參軌伊呂胡知今子兮駕言許巢來子曰子以我爲隱矣夫隱者必有所爲今生值明時以不見用爲耻吾不爲也客曰人之酬世非處則出榮春者蘭華秋者

菊我知子之心矣方其采秀雲莊燔枯霧築刻羽引商吹金鼓玉高價蜺嶺必聲蟬谷狎花鳥傲墳索恁這引于青岑非縵情于朱轂豈知聞者斯章微之必著乃若巖廊訪仄荃宰羅奇旭日鬻夫乾鵲條風轉于枯萸書將鶴載旌以驚持束帛投園結軫填茨慶吾道之大行感人世之我知子廼整筋揮翮仰首伸眉披荻岫出峯逵盼鵲衡而揚袂排鳳闕以論思知子有南山之徑慮子有北山之移來子咥而笑曰非徑也是迂也夫欲仕無路者故以山爲路耳予濫科

瞿唐先生百錄

釜山稿

二

名仕則仕矣不求可期之榮于見在而微未必之寵于方來歲躋齒載謂之何哉駸亦絕矣吾不爲也客曰子知夫古人乎漆園之放叔夜之簡王衍之談阮籍之懶耽竹林嘯山阪脫冠履解襟褫幕天席地操觚挈醢爾其齊舜豕比周猿逢糟荷鍾還廼生涎俗士稱爲六逸詩人名爲八仙坐俟夫九疇之敷敘罔顧乎兩曜之虧圓恭敬消于唇吻名節剝于鞞錠子之不仕復不沽名于世者意者其在此乎來子曰此自放而忘世者也予欲救世吾不爲也客曰若有人

焉遺情棄世絕垢脫屣紫籍通名青冥輕舉爾其垂
琳綬珮珥玦駢騰六驅列缺調世外之元靈彈壺中
之白雪青鳥縈音紅鸞擊節已而明月初升雲璈方
歇貼桑海之幾還回歲序于一瞥悲荒即憶古血乃
若芝宮狹瓠桂館龍驤吹冰成醴叱石飛漿眞妃慘
饋姹女投醵招王喬以容與拉蕭史以相羊旣沉酒
以言別指流水以成章歌曰流水兮東注美人兮何
處回首兮三素浮世兮朝暮乃若陰慈雲滅甘露謝
四流宏六度秘授禁苑之旨洞開葱嶺之路爾其不

崔唐先生百錄

金山稿

三

生作固無象爲家天地遠廬形體蟲蝦見理卽障篤
學愈差乃吼桐峰之虎垂長慶之蛇種雲門之樹澆
南泉之花點洛浦之金衣洞山之麻烹明昭之銚飲
趙州之茶早聞者難登彼岸剗醉者未窺津涯彼傾
海入毛不撓魚鮪若施藤倚樹必疎壺茶子之勃率
不出戶庭不面官長孜孜而惟日不足者必居于此
矣來子曰子愈言而愈遠矣此方外之術出于名教
之外者也世皆若此三綱絕矣吾不爲也客曰我眞
不知子矣遂避席而起拂衣而去來子曰居吾語女

夫大德者不官中立者戒倚是以君子無終食違仁
大人以萬物爲體不怵怵于必行不經經于必止蓋
澡浴存乎吾身顯晦安于所遇立德之基有常樹功
之途不一苟入而可以事吾親兮則啜菽承歡苟出
而可以事吾君兮則捐軀弗計見輪出圓因棉施直
遭坎則停乘流斯逝大行兮何所欣窮居兮何所戚
故移忠于家則敬同移孝于國則愛同使人皆以不
仕爲是兮則龍逢非孝使人皆以仕爲是兮則曾參
非忠彙征者何以誦其駿業嘉遜者何以高其清風

崔唐先生百錄

金山稿

四

蓋駿業者扶顛持危有匡世之績清風者起頑立懦
有垂世之功是皆有裨于國家之教化者也可見事
無定體惟義是適行無定轍惟道是崇故可以仕亦
可以止仕止之間存乎脩己子謂子夏不云乎無爲
小人女爲君子若爲小人何取青紫若爲君子出亦
可矣處亦可矣末學興而功利熾此言不聞于人之
耳也外矣吾將尋孔顏之所樂析繭絲于此理愧榛
樵之無成空勸勉而不已苟友子可以爲政空言足
以善俗則塵霧之微忱或可以爲山海之小補也獨

非鳴陽向日之心乎。子何過疑至此。客曰：我過矣。我過矣。而今而后始知江湖廊廟原爲一體。明道行道皆將淑人。我過矣。我過矣。來子援筆作客問。

聖唐先生日錄

卷四

五

重刻來瞿唐先生日錄

金山稿

清溪莊

多半楓林人家少。千峰萬峰葱鬱窈窕。一羣嬌鳥啄雲嶠。仰面石泉懸樹杪。落花朝莫送柴扉。掃斷依然撲客衣。華陽道士胡不歸。菖蒲節老蕨芽肥。

登小筆山

翠閣珠林侵碧霄。危闌四面俯山椒。天空峭石排元笋。日晚殘霞駐赤標。海外誰人驂鳳鶴。寰中何物喚瓊瑤。江湖一望無窮思。惟寫鶯花蒼治朝。

瞿唐先生日錄

卷四

六

輓隆孔嵬

岑公江下曾呼酒。龍脊州中共放船。一日豈知竟千古。青年誰料到黃泉。遼陽鶴去雲連海。古木烏啼月滿天。幸有三槐依舊綠。夜臺何必恨長眠。

用楊龜山此日不再得韻示周生子榮

我曾觀東海吐納接扶桑。我曾登泰山五觀摩青蒼。中有萬世師日月麗重光。道統在天地循環如陰陽。繼之鄒氏子授我入道方。學問求放心仁義析毫芒。鄒魯既已喪立言有否臧。而胡末學興役役翻自戕。

不求道于心却求精與糠大本已乖矣安得問行藏
遂俾鄒與魯千載擅孤芳豈無豪俊出立志苦不剛
十步九回頭踟躕而傍徨豈知在宏毅任重道且長
况道本率性行之如康莊卑者爲利祿閉門課文章
高則講空寂名爲選佛場二者雖有差均之牧牛半
我佩鄒氏言朝夕不忍忘勿忘勿助間勉勉長白淵
誰謂東海深渡之止一航誰謂泰山高登之比尋常
高深雖踔絕操舍卽存亡百川與邱陵不學良可傷
有志山海者莫謂斯言狂

瞿唐先生日錄

釜山稿

七

釜山雜詠

清風草閣三竿竹明月山泉一曲琴惟有梅花知此
意冷香入夢到而今

繞宅苔蘚惟鳥迹隔溪煙霧似人家淒清莫是仙源
近一線冰泉萬片花

顏回巷裏難旋馬原憲門前長野蒿剩有春風長富
貴杏花酒水日滔滔

明明皎日高松下淡淡輕風密竹前石上許多華胥
夢一聲啼鳥喚人眠

生子何須論化鶴閭年不獨有黃楊棹歌夜訪山陰
雪興盡歸來也不妨

今人逢窮卽名鬼誰又將錢論作神豈識鬼神卽畫
夜月纔屈處日旋伸

喜成却恐敗將至憂失還從得裏生一笑攬來通嚼
爛清風明月送將迎

了心歌

我曾與洪崖子浮邱翁揖金母拜木公水桃碧藕丹
硃紅以颺爲輪雷爲輿上下二儀遍九嶷龍竹鮫絲

瞿唐先生日錄

釜山稿

八

歸碧落金宮銀闕高龍從蒼梧朝設鳳冠栗夜來還
入扶桑窟元鈞曲罷舞回鸞五音時聽琅玕樹放情
凌霄無定期蕙風十二紅玻璃春羅剪字知多少羣
仙博戲無昏早詎知誤輸五色龍謫向人間餌芝草
餌芝今已三十三雞碑鼠獄只空談征裘誤夢耶郵
道長途短髮風飈飈我壽尙有一百歲前途止有六
十七回視夙齡只一時西崑東汜烏丸疾假令不得
到期願七十八十未可知此生枉過不聞道擊鐘烹
鼎欲何爲叢桂幽蘭多縹緲松風蘿月溪山小苦被

白雲一片留瞿唐道人心已了有時並了亦兩忘傍
花隨柳信周行太山巖巖海汪汪洙泗真源派許長
蘭橈桂漿駕一航排闥登宮牆大呼尼父坐明堂
鳴球佩玉共趨踰回琴點瑟繞鏗鏘

曾岐山自岑公遠訪予于釜山于其歸也贈別

以詩二首

白屋參差碧樹齊釜山虛擬近丹梯菊花見客爭籬
發杜若乘風拂岍低詩賦誰人驅鮑謝煙霞吾道覺
醺雞憐渠百里能相訪水滿蒹葭月滿溪

瞿唐先生百錄

釜山稿

九

處處春風析柳枝柴門偶過興猶奇江湖不博幽人
樂信義多應長者知雨外蟠龍秋意早雲連鐵鳳雁
書遲既思暫到仍長往莫遣深情惜淺卮

寄飛練

撥斷綠綺絃長年枕麴眠鼓盆莊子老荷鍾伯倫賢
苦海誰能脫窮坑豈易填莫將窮苦事掛碍不成仙

醉

嚶嚶笑款段款段笑嚶嚶人生天地間走獸與飛鳥
務光讓天下天下卽爲草僉夫競寸畦寸畦卽爲寶

誰人任市井市井皆蓬島誰人尙髻髮髻髮先醜老
青較于藍深人豈勝天巧爲爾得醅醕因之謝昏曉

盧行所見枉別之以詩

朝朝莫莫對枯桐山北山南長杜叢兩地外懸千里
隔三春何幸一尊同已留徐孺開塵榻更共盧敖笑
壤蟲倏爾相逢仍惜別差池燕紫野桃紅

盧行所還便寄王次宇

十年踪跡泛虛舟幾度蒹葭咏破秋偶晤盧仝聊煮
茗翻思王粲欲登樓桃花着雨紅顏改柳絮乘風白

瞿唐先生百錄

釜山稿

十

練收不覺題詩成一笑半池春水半池鷗

董願庵推府見枉釜山書堂

四首

雨裏榴花午影長偶然旌節下茅堂閒雲繞戶枯桐
潤密竹沿溪晚簾涼斗酒幾時嗟咫尺功名今日見
龔黃不辭醕酌留空谷秉燭何妨夜未央

青山一臥門長閉紅日三竿酒未蘇採藥慣看黃獨
外誰人偶到白雲孤籬邊客飲花頻笑醉後歌繁鳥
亦呼猿鶴不須猜從蓋林巒自此卽方壺

五馬雙雙度野橋清風拂拂暑全消那知報政餘三

月始得論文在一朝我道百年惟白石君行萬里自
青霄即看臥聽甘棠月麥穗桑枝滿耳語

一曲清江帶白沙沙邊蘆荻傍吾家松間時下聽琴

鳥壁上長留篆字蝸不有陳蕃能下榻誰知顏闔飽

食霞莫愁信宿無供給獨木橋頭繫鰻槎坡詩替將歸釣漢江

槎注漢水鰻甚美以槎斷水取之

逼逼歌四章爲哀楊作吾賦

逼逼逼井瓶一落無消息流水高山半調絲四十年

前爲爾識嗚呼一歌兮歌聲孤滿林松月爲誰鋪

崔唐先生目錄

金山稿

上

子賤琴聲成雅弄士元驥足人難整陶令方脩松菊

盟鄭元忽入龍蛇夢季真夙昔擅風流莊生今日饒

齋送嗚呼再歌兮歌聲長仰天四望天蒼蒼

有母有母風中燭有妾有妾子遺腹夜臺鄉思回飛

轂天昏地黑楓風毒乘風逐霧落梁屋饑鴟啄雪鳩

婦哭嗚呼三歌兮歌轉哀一泓痛血濕蒼蒼

爾庭有樹變紫荊爾園有鳥化鶴鶴曹蜍知未死此

責爲誰明流雲兮木杪落日兮荒草我與爾言兮傾

懷抱爾胡長眠兮不曉

菊三首

歲晚華初發秋英落更遲回看潘岳圃寒蟻上枯枝

其二

陶令齋詩到王宏載酒過黃封注花骨白雪遍秋坡

其三

滿種黃金砌分栽白玉堂何曾隱岷壑始得傲冰霜

重過天生橋

江上遊龍跨水濱江頭有客俯龍鱗乘冰卽渡翻思

漢鞭石無成却過秦每恨流波沉合璧何妨濺沫起

崔唐先生目錄

金山稿

上

芳塵重來不盡朝宗意馬首秋風又憶蓴

水入舫岷飄亂絲水邊樓閣對撐支銀疑月窟曾遊

處鍊憶羅浮欲往時半生涯雲共懶三川風雨客

行遲凌霄鴻鵠寧無志不在題橋便有詩

寄雷劒東蒙自明府

四首

隔別經三暑江山隔萬重音書無處達夢寐有時逢

雲滿垂堂竹風傳倚澗松茂陵多病后近日更踈慵

其二

素節秋懸玉清時劒浦霜驂驪千里遠鵬鷺九天長

柳繞陶潛宅花垂潘岳堂澆花并灌柳暢茂即甘棠

其三

何日傷潘濬今朝憶作吾九原如可起三徑已先孤
向秀非聞笛王戎偶見墟哀歌不成調撲筆夜啼烏

其四

憶爾同金錫憐予飽桂芝年華芳草識心事懶雲知
席上談雷劒花邊接董帷將何日到好去慰相思

寄贈董麟山徵君

四首

久知傳鳳藻無計到麟山日月淹溟海鶯花隔劒關

瞿唐先生自錄

釜山稿

三

君應能出世我亦似偷閒安得生雙翼相看結九還

其二

王猛長捫虱東陵早種瓜鳳琴時掛樹鴻賓漸成砂
自古仁人壽從來遜者嘉忘機無一事隨意插三花

其三

有子承家學之官得令名丹心明白日清議在蒼生
五馬迎春出雙旌拂曙行文翁俄頃化比屋接絃聲

其四

我屋瞿唐峽巫峰面草堂偶將愚喚谷長以醉爲鄉

水侵萊菔落風催鴻鴈翔此時應憶爾憶爾荅瑤章

許象洲元戎于梁山曾許仙茅久不見惠詩以
速之

天邊有客饋仙茅爲是施州滿近郊幕府曾云千里
寄仙家虛冷六丁庖鵠鳩春盡呼榆莢謝豹花深掛
柳梢極目不知何日到長歌幾度塵橫鼓

廖對峰以設館至梁踰年而露化其子齋泣至
山堂照骨之貧余愧不能大助也詩以哀之

稿席家千里荒山土一堆廖融知夢死仲蔚爲貧來

瞿唐先生自錄

釜山稿

五

雨急若華落春殘謝豹哀麥舟深愧爾相對淚盈顙

寄贈朱最峰少府

三首

何時牽別袂此日已初冬夢外飛都歷歌曾許最峰
緒風催北鴈元霧暝長松偶值梅花使題詩對石淙

其二

在緣驄馬使曾度白鵝灣酒自金華饋詩從刺史刪
生留龍洞古月戀兔亭間不得相長嘯于今有厚顏

其三

滿地皆芻牧如君亦道流一官成矮屋四野盡清謳

水落蠶叢國山銜白帝樓訟庭公事少應不廢詩鈞

壽郭夢菊太府 四首

匹馬蠶叢長杜蘅三巴草木亦知名風高赤甲堅仙
骨月白瞿唐洗宦情竹下有懷歌短句斗間無計祝
長庚培持國脉須難老九里于今潤帝京

跨鶴攜琴道氣全不穿羽服亦天仙想應金節分今
日會有銅人話昔年滿野兒童皆憤佩或時簫鼓雜
蒲鞭眼前無限長生樂肯向喬松更叩元

玉盤銀燭紫霞杯甘雨和風壽域開四岳已知添一

瞿唐先生日錄

金山稿

圭

歲五雲從此護三台管寧性懶空穿榻范曄思深爲
折梅淪落無成長潦倒留連何地足追陪
叔度人歌來已暮彭宣長憶不相隨江之永矣鮫波
澗室是遠而鴈字遲灌甕病多頻命酒報瑤情切又
敲詩開籠放雪知非事見月披窓有所思

禽言 四首

割麥插禾禾老麥將枯公家還欠去年租敲門打壁
日夜呼縱有禾麥依然無

乾柴水滴滴燒又不肯燃大姑罵食遲小姑得食嫌

但願姑嫁與公府朝朝暮暮列鼎釜終身不知此辛
苦

哥哥喫酒醉嫂嫂扶回去小叔小叔苦奔波東封西
祀髯雙皤日往月來疾如梭料想前頭壽不多不飲
不飲奈爾何

作恠作恠人皆求富貴爾獨學聖賢學聖賢有何緣
疏食水飲曲肱眠自稱快活自稱仙學聖賢有何緣
作恠作恠富貴誰不愛

秋風辭 三首

瞿唐先生日錄

金山稿

其

父存日疾痺經秋風多呻吟感之哀而賦此
秋風號兮如裂布我父風痺艱行步而何一往長不
寤天寒日短時將暮欲往從之天無路黃雲慘淡烏
啼樹肝腸摧斷誰瞻顧

秋風號兮歲云徂我父風痺誰將扶生兒小時掌中
珠及長南北走紅途烏生有子反知哺我生糞土不
如烏縱然有子依然無

我生我生空朽腐今夕何夕納場圃日往月來箭到
弩兒與父兮成今古丈夫生不列鼎釜死後椒漿竟

何補兒哭父兮哭聲苦父不自知臥黃土

與太空禪僧二首

暑逐秋林一葉紅亂藤高竹迤西風六街燈火人家
靜閑與山僧說苦空

我坐虛堂皆向實君長抱影着空多紅塵要識能爲

王秋月澄江映碧沙

蟠龍對酬王我齋問蟠龍之作

若有湫兮乃在魚復之國蠶叢之東劔閣周遭十萬
重上有娥眉新月照羌戎水輪兔魄藥杵紅下有雲

瞿唐先生白錄

七

釜山稿

鬟十二鎖芙蓉瓊裾玉佩搖玲瓏雪絲嬾嬾墮淫濛
化爲象馬奔入馮夷宮生綃一幅懸太空影入吳瀾
越漲處處不敢生山峰郢客一見心怵怵捫蘿攀蒼
撥昏夢鞭煙撻霧入層崆六月六日生嚴冬金鷄赤
日翻無功銀鈎蠆尾投幽甌大叫洞中蟠者龍羣龍
兮天上爾何爲兮山中滿腹雷霆暗不露爾獨忍兮
塵世之疲癯我欲以爾訴元穹金書玉簡起爾躬興
爾雲致爾雨爾令八埏九野春融融倏然幽壑水如
舞興二怒號捍強弩排嶺旌兮張鯨斧揚天桴兮伐

河鼓倒銀漢兮波咸池搖地姊兮撼天姥似與郢客
通言語六幕昏黑不知所夜來夢入龍之山別有仙

境非人間瑤樹琪花團鶴馭丹沙雲母護仙關仙童

侍者鏤朱顏吹風捉月弄銀灣客亦因之入縹緲扶

桑亦處羲和曉東視海水青玻璃區區五岳彈丸小

安期浮伯幾輪迴俛仰塵寰多草草信知凡龍出世

間啄腐吞腥空自老一聲天雞江月杳啼醒浮生夢

未了眞耶夢耶兩不知坐見晨星三五橫秋嶠

荅贈董麟山徵君四首

瞿唐先生白錄

太

釜山稿

對酒知無地相思隔幾山江遙遙預石雲斷木容關
已識珠璣綴空瞻花鳥閒殷勤寄漢月去矣好重還

其二

好句憐飛玉奇思信剖瓜十年聞大道九轉見丹砂
冲淡能爲主文章自覺嘉隋宮饒豔麗雕刻不成花

其三

高士曾成傳循良近有名古今變美少橋梓一時生
巫峽洲中立碧雞巔上行水清山更峻觸處得謳聲

其四